



Broj: 13/01-02/1-30-8559/20
Sarajevo, 15.07.2020. godine

Na osnovu Člana 26. stav (1) tačka a) Zakona o državnoj službi u Kantonu Sarajevo ("Službene novine Kantona Sarajevo" broj 31/16) i člana 31. Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa ("Službene novine Kantona Sarajevo", br. 39/16 i 10/17), ministrica za rad, socijalnu politiku, raseljena lica i izbjeglice Kantona Sarajevo, rješavajući po zahtjevu za davanje saglasnosti za obavljanje dopunske djelatnosti podnesenom od strane Cice Pljevljak, državne službenice, raspoređene na radno mjesto Šefice Odjeljenja za socijalnu zaštitu, dječiju zaštitu i zaštitu porodice s djecom u Ministarstvu za rad, socijalnu politiku, raseljena lica i izbjeglice Kantona Sarajevo, donosi

RJEŠENJE

1. CICI PLJEVLJAK, državnoj službenici – Šefici Odjeljenja u Ministarstvu za rad, socijalnu politiku, raseljena lica i izbjeglice Kantona Sarajevo, daje se saglasnost za obavljanje dopunske djelatnosti za koju se plaća naknada, a odnosi se na učešće u provođenju izrade Analize stanja u oblasti socijalne zaštite, dječije i porodične zaštite na području Kantona Sarajevo sa posebnim fokusom na uticaj pandemije COVID-19, a čiju će izradu finansirati UNICEF u 2020. godini i to samo pod uslovom da dopunska djelatnost ne remeti obavljanje službenih poslova iz nadležnosti organa državne službe za koje je zadužen državni službenik.

2. Ovo rješenje se primjenjuje od dana donošenja istog.

Obrazloženje

Cica Pljevljak - Šefica Odjeljenja za socijalnu zaštitu, dječiju zaštitu i zaštitu porodice s djecom u Ministarstvu za rad, socijalnu politiku, raseljena lica i izbjeglice Kantona Sarajevo je dana 09.07.2020. godine podnijela zahtjev u kojem navodi da „moli izdavanje saglasnosti za učešće u provođenju izrade Analize stanja u oblasti socijalne zaštite, dječije i porodične zaštite na području Kantona Sarajevo sa posebnim fokusom na uticaj pandemije COVID-19, a čiju će izradu finansirati UNICEF u 2020. godini“.



Obzirom da je članom 31. Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanje određenih prava iz radnog odnosa ("Službene novine novine Kantona Sarajevo" br. 39/16 i 10/17) propisano da "državni službenik može obavljati dopunska djelatnost za koju se plaća naknada u slučajevima koji se odnose na pružanje raznih stručnih usluga iz oblasti ekonomskih, tehničko-tehnoloških i pravnih poslova, kao što je izrada projektovanje, računovodstveni, finansijski i pravni poslovi, edukacija i obrazovanje, rad u raznim stručnim komisijama ili radnim grupama, rad u upravnim i nadzornim odborima javnih ustanova, skupštinama kantonalnih, gradskih i općinskih javnih preduzeća i drugih pravnih lica čiji je osnivač Kanton, Grad, odnosno općine i vršenje drugih sličnih intelektualnih poslova, zahtjevu imenovane je udovoljeno.

Dopunska djelatnost za koju je data saglasnost može se obavljati samo pod uslovom da obavljanje te djelatnosti ne remeti obavljanje službenih poslova za koje je zaduženi državni službenik, što podrazumjeva rad izvan radnog vremena.

Ukoliko državni službenik ne bude poštovao navedeni uslov pod kojim je data saglasnost, ista će biti ukinuta.

Pouka o pravnom lijeku: Protiv ovog rješenja može se izjaviti žalba Odboru državne službe za žalbe Federacije Bosne i Hercegovine u roku od 15 dana od dana prijema istog.



Dostaviti:

1. Cica Pljevljak
2. SSZP Kantona Sarajevo
3. Udruženje evaluatora u Bosni i Hercegovini
Ul. Marka Marulića 2C, 71000 Sarajevo
4. Evidencija
5. a/a



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1

